

Grupo di produccion di "Proyecto Bolivar" a bishita Aruba

ORANJESTAD (AAN) -- E interesante "Proyecto Bolivar" a worde treci den publicidad un biaha mas diabierna ultimo durante un conferencia di prensa cu a tuma lugar na Marriott Hotel, cu presencia di e grupo di produccion internacional di e pelicula "Bolivar, the Liberator".

Tabata presente Sr. Edgard Meinhardt, productor; Sr. Alan Bridges, director; Sra. Gladys J. Pearce, Co-productor Asocia; Maria Gonzalez, Gerente di Benta; Mr. Hellen Lejuez, representando e sede legal na Aruba, y e actor Brasileño Guy Ecker, kende ta bay forma parti di e elenco di actornan cu lo participa den e gran pelicula aki.

Diez aña pasa, esta, na 1988 e idea di traha un pelicula riba e bida y obra di Simon Bolivar, a nace na London door di e historiador Venezolano



Jose Luis Salcedo Bastardo. E empresa riba su mes a ser constitui dia 24 di Juli di 1993.

Proyecto Bolivar a ser consolida cu e fin di realiza un produccion magestuoso, un super-produccion cinematografico, cu un duracion di 3 ora y mey, y un miniserie di 12 capitulo.

E presupuesto di realizacion ta di 100 milyon dollar, cu e meta di abarca un publico in-

ternacional.

E guion di e pelicula ta basa riba e obra original di David Butler, ganador di varios premio di e Academia Emmy's y Golden Globe, realiza pa escritornan di fama mundial. E guion a worde skirbi den colaboracion di e director Alan Bridges.

Manera conoci, Aruba ta e sede legal di e Proyecto y como tal despues di a realiza

un gira di promocion, den e prome fase di produccion, na Venezuela y Colombia, e delegacion a cera esaki na Aruba.

Den otro articulo DIARIO lo sigui elabora riba e conferencia di prensa aki, y tambe un par di entrevista realiza cu parti di e delegacion.

Riba potret, e delegacion di Proyecto Bolivar, durante su encuentro cu prensa.

